



Kommunalbestyrelsi 31. oktober 2018 nal. 10.00

Kommune Qeqertalik
Kommunalbestyrelsi

Hansen, Ane	IA
Olsen, Peter	IA
Sørensen, Hector Lennert	IA
Samuelsen, Aqqa	IA
Aronsen, Hans	IA
Petersen, Thomas	IA
Kristensen, Niels	IA
Jeremiassen, Kristian	IA
Svane, Jess	S
Sandgreen, Enok	S
Mølgaard, Timooq	S
Jeremiassen, Otto	S
Jeremiassen, Nikkulaat	S, sinnerlugu Jens Vetterlain
Broberg, Kristian	S
Kristensen, Naja	A, napparsimalluni peqataangilaq

Ataatsimiinnermi aqutsisoq: Ane Hansen, IA
Allatsi: Alida C. Rafaelsen
Ataatsimiinneq: Oqarasuaatikkut

Ullormut oqaluuserisassat

18-039	Kommunalbestyrelsimiit sulingiffeqarnissamut qinnuteqaat	3
18-040	Aasiaat Kulturhus projekt.....	5
18-041	Nunaminertalerinermik suliat akiisa allattorsimaffiat 2018.....	8
18-042	Kontot utoqqarnik sullissinerup aamma innarluutinik sullissinerup akornanni aningaasanik nuussineq	9
18-043	2017-imut ikaarsaariarnermut ataatsimiititaliap naatsorsuutaasa akuersissutigineqarnerat.....	10
18-044	Qaasuitsup Kommuniani 2017-imi ukiumoortumik nalunaarutip akuersissutigineqarnera	12
18-045	Kommune Qeqertalimmi 2019-mut missingersuutit siullermeerneqarnerat.....	13
18-046	Najukkami Ataatsimiititaliami ilaasortat.....	15
18-047	Imigassallernissamik qinnuteqaat Type B.....	16
	ILISIMATITSISSUTIT	17
	ATAATSIMIINNEQ NAAVOQ	18
	ATSIORFISSAQ	18

Eqqartugaq	Ullormut oqaluuserisassat akuersissutigineqarnerat
-------------------	---

Ullormut oqaluuserisassanut allattoqarfiup oqaaseqaatai:

Soqanngilaq

Aalajangerneq:

Oqaluuserisassaq 18-040 kingullinngortinneqarpoq. Oqaluuserisassallu taamaalillutik akuerineqarput.

Suliap nr.	18-039	Ilanng. nr.	Journal nr.
Oqaluuserisassaq			
Kommunalbestyrelsimut sulinngiffeqarnissamut qinnuteqaat			

EQIKKAANEQ:

Kommune Qeqertalik-mi Kommunalbestyrelsimi Siumut sinnerlugu ilaasortaq Nikkulaat Jeremiassen, Naalackersuisutut ivertinneqarnini pillugu, Kommune Qeqertalik-mi Kommunalbestyrelsimi ilaasortatut sulinngiffeqarallarnissaminut qinnuteqarpoq ulloq 5. Oktober 2018. Kommunalbestyrelsimut sulinngiffeqarnissamut qinnuteqarneq sinniisussamillu isertitsineq, Kommunit aqunneqarnerat pillugu Inatsisartut inatsisaat nr. 29. 17. November 2017-imeersoq malillugu Kommunalbestyrelsi aalajangiisussaataavoq.

SULIAP SULIARINEQARNERA:

Kommunit aqunneqarnerat pillugu inatsit qulaani taaneqartumi, ilaasortaq minnerpaamik qaammatini marlunni sulinngiffeqarnissamik qinnuteqarsinnaatitaavoq piumasaqaataasut naammassingunigit. Piumasaqaatillu ukuusut naammassineqarput: Ilaasortaq kommunalbestyrelsip ataatsimiinnissaani napparsimanini, naartunini, erninini, meeravissartaarnini, inuiaqatigiinni sullissisussaataalluni pisussaaffiligaanini, inuutissarsiutini assigisaalluunniit pissutigalugit sulinngiffeqarnissamut qinnuteqarsinnaavoq. Taamaattorli ilaasortap kommunimi pisussaaffini suliareqqissinnaalerunigit, kommunalbestyrelsimut ilaasortanngoqqissaaq.

Kommune Qeqertalik-mi Kommunalbestyrelsimut Siumut sinnerlugu sinniisussatut siullertut inissimavoq Jens Vetterlain.

Jens Vetterlain-ip Kommunalbestyrelsimut sinniisussatut isertinneqarnissaminut qinigaasinnaanermut piumasaqaataasut, Kommunalbestyrelsinut, nunaqarfinni aqutsisunut ilagiillu sinniisaannut qinersisarnerit pillugit Inatsisartut inatsisaat nr. 27, 28. November 2016-meersumi §1 aamma § 5 naammassivai.

Kommunalbestyrelse-mut ilaasortap Nikkulaat Jeremiassen-ip ilaasortaaffigivaa:

- Ataatsimiititaliaq INOQARFIK

sinniisussaaffigalugit ataatsimiititaliat

- Ataatsimiititaliaq INUA, sinniisuuffingalugu Otto Jeremiassen
- Ataatsimiititaliaq INUIT, sinniisuuffingalugu Enok Sandgreen

Taamaattorli ilaasortap kommunimi pisussaaffini suliareqqissinnaalerpagit, sinniisussaq kommunalbestyrelsimut tunuassaaq.

ANINGAASATIGUT KINGUNISSAI:

Kingunissaqanngilaq

INATSISITIGUT TUNNGAVIUSOQ:

- Kommunit aqunneqarnerat pillugu Inatsisartut inatsisaat nr. 29. 17. November 2017-imeersoq
- Kommunalbestyrelsinut, nunaqarfinni aqutsisunut ilagiillu sinniisaannut qinersisarnerit pillugit Inatsisartut inatsisaat nr. 27, 28. November 2016-imeersoq.

INASSUTEQAAT:

Allattoqarfik INUA-ata Kommunalbestyrelsimut inassuteqaatingaa:

- Nikkulaat Jeremiassen-ip sulinngiffeqarnissamut qinnuteqaataa akuereqqullugu
- Sinniisussaq siullertut inissimasoq Jens Vetterlain kommunalbestyrelsimut sinniisussatut isertinneqarnissaa akuereqqullugu
- Jens Vetterlain-ip ataatsimiititaliat ilaasortaaffissaa sinniisuuffissaalu akuereqqullugit

ILANNGUSSAT:

Ilanngussaq 39-01 Nikkulaat Jeremiassen-ip kommunalbestyrelsimi ilasortatut sulingiffeqarnissamut qinnuteqaataa

AALAJANGERNEQ:

Inassuteqaat akuerineqarpoq.

Suliap nr.	18-040	Ilanng. nr.		Journal nr.	50.03
Oqaluuserisaq	Aasiaat Kulturhus projekt				

EQIKKAANEQ:

Aasiaat kulturhus projekt-imik akisussaasuusut Aasiaat Timersortarfiat 13. Juni 2018 allakkatigut Kommunemut tunniussipput projekt-imik ingerlatserusukkunnaarlutik. Tamannalu tunngavigalugu Kommune Qeqertalik kulturhus projekt-ip ingerlanerani nalilersuinini ingerlannikuaa.

SULIAP SULIARINEQARNERA:

Aasiaat kulturhus projekt-i suullermeertumik kommunalbestyrelse-mut saqqummiunneqarpoq Qaasuitsup kommuniani ulloq 22.10.2014, siunnersuuteqartuulluni Peter Olsen.

Suliap piffissami qanoq ingerlasimaneranut takutitsisoq ima isikkoqarpoq:

1. Oqaluuserisassanngortitaq kommunalbestyrelse-miit KUF-ip ataatsimiitsitaliaanut ingerlateqqinneqarpoq (ilanngussaq 1-01-imi, qup. 16 takujuk).
2. 11.05.2015 Ataatsimiitsitaliaq UIAM-ip akuersissutigivaa Aasiaat kulturhus katillugu 200.000kr-inik aningaasaliiffineqassasoq. Aningaasaliissutigineqartut suliap aallartinnissaanut misissuutitsinissamut aammalu aningaasaliissarsiornermut atorneqartussatut tapiissutigineqarput. (ilanngussaq 1-02, qup. 36-imi tamanna takuneqarsinnaavoq).
3. Kultur-ikkut illorsuup illutassanik titartaasitsinerup inerneru qanorlu akeqassagatinneqarnera 30.11.15 kulturikkut illorsuassap suleqatigiissitaanut tunniunneqarpoq (ilanngussaq 1-03 takujuk). Inissisimaffissatullu siunnersuutigineqarpoq piffik 1000-C07, Gammearfiup, timersortarfiup illullu B-175 akornat.
4. Projekt Aasiaat kulturhus Qaasuitsumi kommunalbestyrelsep 30.11.16 aningaasaleeqataaffigissallugu akuersissutigivaa (ilanngussaq 1-07, qup. 50-mi takujuk). Kommunalebestyrelsep aningaasaliissaguni piumasaqaatigivaa Aasiaat kulturhus projekt-imik suliqaartut aningaasaleeqataasussamik nassaarsimassasut (ilanngussaq 1-08, qup. 4-mi takujuk). Tassani ilanngussami aamma Qaasuitsumi allattoqarfiup ilisimatitsissutigivaa aningaasaliissutit 200.000kr-niusut 11.05.2015-imi ataatsimiitsitaliaq UIAM-imi akuersissutigineqarsimasut aningaasanut missingersuutini 2016-mi ilanngunneqarsimannngimmata.
5. Suliap offentlig-privat-projekt-itut ingerlavoq. Imatut paasillugu innuttaasut kulturhus-imik pilersitserusuttut sulinaqatigiiffimmik ingerlatsippat, suliaminnullu atatillugu kommunalbestyrelsemiit aningaasaliiffineqarlutik. Tassani Aasiaat Erhvervsråd suliap aallartinnerani kulturhus projekt-imik ingerlatsisuvuq. Ukiunilu marlussunni suliamik ingerlatsereerluni Aasiaat Erhvervsråd-ip kultuhus-imut sulinaqatigiiffia 01.03.2018 pisortatigoortumik matusutut nalunaarutigineqarpoq (ilanngussaq 1-05 takujuk). Kulturhus projekt Aasiaat Timersortarfiata ulloq 01.03.2018 aallarnerfigalugu suliap tiguaa. (ilanngussaq 1-06 takujuk).
6. Aningaasat katillugit 322.880kr projekt kulturhus-imi aningaasartuutaasimapput. Masanti-mut titartaasitsinermi 267.550,74kr aningaasartuutaasimapput, kiisalu 55.329,26kr aningaasaliissussamik ujaasinermi atorneqarsimallutik (ilanngussaq 1-09, 1-10).

Suliap killiffia:

- Nr. 2-mi taakkartorneqarpoq aningaasaliissutigineqartut 200.000-iusut ilaat projekt-ip aningaasaliissarsiorinnissaanut atorneqassasut. Oktober 2018 killiffigalugu projekt kulturhus suli aningaasaliissussamik nassaarnikuunngilaq.
- Nr.3-mi taakkartorneqartoq, tassa inissisimaffissatut siunnersuutigineqartoq, piffik 1000-C07 kommunep illoqarfinnut nunaqarfinnullu pilersaarutaanni tamakkerluni sanaartorfigineqareersutut inissamillu sinneruttoqangitsutut nalunaarsorsimasoq Kommunimut pilersaarummi takuneqarsinnaavoq. Taanna kommunemut pilersaarut Qaasuitsup kommuniusimasumi massakkullu Kommune Qeqertalimmi allannguuteqarnikuunngilaq.

- Aasianni kultur-ip illorsuassaanut tunngatillugu Qaasuitsup kommuniussimasoq kiisalu kommunep avinnerani Kommune Qeqertalik kommunip pilersaarutaanut tapiliussamik suliakkerneqarnikuunngilaq.
- Nr. 6-mi taakkartorneqartoq malillugu aningaasat kulturhus projekt-ianut atorneqarsimasut aningaasaliissutigineqarsimasuniit 200.000kr-iusuniit 122.880kr-mik qaffasinnerupput. Katillugu 322.880kr projekt-imut atorneqarsimagamik (ilanngussaq 1-09, ilanngussaq 1-10)
- Aasiaat Timersortarfiata siulersuisui 13. Juni 2018 allakkatigut Kommunemut tunniussipput Kulturhus projekt-imik ingerlatserusunnatik (ilanngussaq 1-11, 1-12 takujuk).

Suliap piffissami qanoq ingerlasimaneranik takutitsisup kiisalu massakkumut killiffiup ersersippaa anguniagassatut siunniunneqarsimasut pingaarutillit anguneqarsimannigitsut. Taakkulu toqqammavigalugit suliap unitsinneqassasoq allattoqarfimmiit siunnersuutigineqarpoq. Nutaamik aallartinnermi Kommunip ingerlataatut sulissutigineqarluni aallarteqqinneqassooq taassumalu ilutigisaanik kommunip suleqatissarsiorneq isumagissallugu.

KINGUNISSAI:

Aasianni kulturikkut illorsuassap pilersaarusionera suliarineqarneralu aallaqqaataaniit Kommunip ingerlatilerpagu suleqatissarsiornerit aallartinneqassapput suleriaaserlu qanoq isikkoqassanersoq ilusilersorneqassalluni.

ANINGAASATIGUT KINGUNISSAI:

Suliap nutaamik aallartinneqarpat 2019-imi kiisalu 2020-mi Kommunalbestyrelsep aningaasat immikkoortissimasaat 10.000.000kr-mik naleqartut Aasianni kulturikkut illorsuassamut aningaasaliissutaaginnarnissaat anguneqassooq. Aningaasaliissarsiornermut suliallu ingerlaqqinnissaanut aningaasartuutit nutaamik missingersuusionerqarlutik suliarineqassapput.

SULIAP SULIARINEQARFIA:

Kommunalbestyrelse

INASSUTEQAAT:

Ataatsimiitsitaliaq INOQARFIK-up Ataatsimiititaliaq INUA siunnersorpaa:

Aasiaat kulturhus projekt kommunemiit unitsinneqassasoq nutaamillu aallartinnissaa periarfissinneqarluni.

ILANNGUSSAT:

Ilanngussaq 1-01:	Ekstraordinær kommunalbestyrelsesmøde 22 oktober 2014 Qaas kom.
Ilanngussaq 1-02:	UIAM ordinær møde 11. Maj 2015 Qaas kom.
Ilanngussaq 1-03:	Aasiaat kulturhus titartartinnera
Ilanngussaq 1-04:	Illorsuassap sumiinnissaanut siunnersuut masanti-miit
Ilanngussaq 1-05:	Forening for kulturhus uninneranut uppernarsaat 01.03.2017
Ilanngussaq 1-06:	Aasiaat Timersortarfiata suliamik akisussaasunngorneranut uppernarsaat
Ilanngussaq 1-07:	Ordinært kommunalbestyrelsesmøde 30. November 2016 Qaas kom.
Ilanngussaq 1-08:	Ekstraordinær kommunalbestyrelsesmøde 31. Maj 2017 Qaas kom.
Ilanngussaq 1-09:	Betalt fundraising faktura fra Aasiaat Timersortarfiat 24.07.2017
Ilanngussaq 1-10:	Betalte fakturaer til Masanti
Ilanngussaq 1-11:	Aasiaat timersortarfiata Kommune Qeqertalimmut allagaa 18. Juni 2018
Ilanngussaq 1-12:	Aasiaat timersortarfiata Kommune Qeqertalimmut allagaa 18. Juni 2018

AALAJANGERNEQ ATAATSIMIITITALIAQ INOQARFIK 09-10-2018:

Enok Sandgreen, Aasianni Timersortarfimmi siulersuisunut ilaasortaanini pissutigalugu aalajangiinermi taaseqataangilaq.

Naqqiut: Suliap suliarineqarnerani nr.5-imi ullua 01.03.2017-itut allaqqassooq (Ilanngussaq 1-05).

Ataatsimiitsitaliaq Inoqarfiup inassuteqaat akuerivaa INUA-nullu ingerlateqqillugu.

AALAJANGERNEQ ATAATSIMIITITALIAQ INUA 23-10-2018

Enok Sandgreen oqaluuserisami peqataassangilaq, Aasianni Timersortarimmut siulersuisuni ilaasortanut peqataanini pequtigalugu. Inassuteqaat akuerineqarpoq

AALAJANGERNEQ:Kommunalbestyrelse 31-10-2018

Enok Sandgreen, Aasianni timersortarfimmi siulersuisunut ilaasortaanini pillugu, oqaluuserisamut peqataangilaq. Peter Olsen suliamut attuumassuteqarpallaarnera pillugu taaseqataatinneqangilaq.

Taasinikkut aalangerneq

Inassuteqaammik akuersisut: 12

Taamaalilluni inassuteqaat akuerineqarpoq, taaseqataasinnaasut tamakkerlutik taasinerat tunngavingalugu.

Suliap nr.	18-041	Ilanng. nr.		Journal nr.	18.00
Oqaluuserisaq	Nunaminertalerinermik suliap akiisa allattorsimaffiat 2018				

EQIKKAANEQ:

Nunaminertamik atuisinnaanermut akuersissummik qinnuteqarnermi Kommune Qeqertalimmi akigitassat.

SULIAP SULIARINEQARNERA:

Nunaminertamik atuisinnaanermut akuersissummik qinnuteqarnermi akit Ilanngussaq 2-01-mi allas-simasut atuutilissapput ulloq taanna kommunalbestyrelse akuersippat. Akiliisitarneq aqqutigalugu kommunimi nunaminertalerisut sulineri akilersueqataaffigineqassapput. Inatsimmi oqaaseqaatini erseqqissarneqarpoq, inuit ataasiakkaat nunaminertamik piginnittussaataaernerat atuutilertus-saanngitsoq taamaattorli kommunit sularinnittarnerannut akilersuinissaq atuutsinneqassasoq. Nunaminertalerinermik sullissineq aatsaat aallartittassaaq aki malillugu akiliisoqareeraangat. Ilanngussaq 2-01-mi takuneqarsinnaapput akit siunnersuutaasut.

INATSISITIGUT TUNNGAVIUSOQ:

- Pilersaarusionerq aamma nunaminertat atorneqartarnerat pillugit Inatsisartut inatsisaat nr. 17, 17. November 2010-meersoq

KINGUNISSAI:

Nunaminertalerinermi kommunemi akit akuerineqarpata Kommune Qeqertalimmi akit atuutilissapput.

ANINGAASATIGUT KINGUNISSAI:

Nunaminertamik qinnuteqarnermi isertitat konto 18-04-mut pilersaarusionerme aningaasanut atorneqartartunut isaatinneqalissapput.

SULIAMIK SULIARINNINNEQ:

Kommunalbestyrelse

INASSUTEQAAT:

Ataatsimiititaliaq INOQARFIK-up ataatsimiititaliaq INUA siunnersorpaa

- Akuerineqassasoq.

ILANNGUSSAT:

Ilanngussaq 41-01: Nunaminertalerinermik suliap akii

Ilanngussaq 41-02: Taksblad Arealgebyr

AALAJANGERNEQ: Ataatsimiititaliaq INUA 23-10-2018

Inassuteqaat akuerineqarpoq.

AALAJANGIINEQ: Kommunalbestyrelse 31-10-2018

Inassuteqaat akuerineqarpoq.

Suliap normua	18-042	Ilanngussap nr.		Journal nr. :	
Eqqartugaq	Kontot utoqqarnik sullissinerup aamma innarluutiniq sullissinerup akornanni aningaasanik nuussineq				

EQIKKAANEQ:

Innarluutilinnik utoqqarnillu sullissinerup aningaasartuutit agguataarneqarneri nikingassuteqartut paasineqarpoq Taamaattumik konto 47-p, utoqqarnik sullissinerup kontoata, aamma 48-p, innarluutilinnik sullissinerup kontoata akornanni nikisitsinissaq aningaasaqarnermut ataatsimiititaliamut qinnutigissallugu pisariaqalersimavoq.

SULIAP SAQQUMMIUNNERA:

Ukioq 2018-mut missingersuutit suliarineqarneranni paasissutissat tunngaviusut Qaasuitsup Kommunianit pissarsiarineqarput. Paasissutissat tunngaviusut taakkua tamakkiisumik tutsuiginartuusimangillat. Ukiup ingerlanerani paasisimavarput missingersuutit kontoisa, konto 47-p aamma konto 48-p, akornanni aningaasaliissutinik nuussinissaq pisariaqartoq, taamaattumik 600.000,00 koruunit nuunneqarnissaat kissaataavoq

ANINGAASATIGUT KINGUNERISINNAASAI:

Aningaasanik nuussinissaq qulaani allasimasooq aningaasatigut kinguneqassanngilaq, tassami kontot marluk taakkua iluini taamaallaat nuussisoqartussaassaaq.

INATSIT TUNNGAVIGINEQARTOQ:

Kommune Qeqertaliup ingerlatsinerup ilitsersuutaata 04-ni "anigaasaliissutit akisussaaffillu" kommunalbestyrelsi kontot iluini arlalinnik kisitsisitalinnik nuussinissaq akuerisassagaa.

INASSUTEQAAT:

Inassutigineqarpoq:

- Nuussinissamik kissaat ataatsimiititaliaq INUA-ta akuerisassagaa kommunalbestyrelsimullu inassuteqaatigissagaa.

ILANNGUSSAT:**AALAJANGIINEQ: Ataatsimiititaliaq INUA 23-10-2018**

Inassuteqaat akuerineqarpoq

AALAJANGIINEQ:

Inassuteqaat akuerineqarpoq.

Suliap normua	18-043	Ilanngussap nr.		Journal nr. :	
Eqqartugaq	2017-imut ikaarsaariarnermut ataatsimiititaliap naatsorsuutaasa akuersissutigineqarnerat				

EQIKKAANEQ:

Ikaarsaariarnermut ataatsimiititaliat ukiumi 2017-mi naatsorsuutai kiisami naammassipput aamma naatsorsuutit kontoinut nalunaarsukkat eqqortuunersut eqqortumillu suliarineqarsimanersut kukkunersuisut pisarialimmik nakkutigalugit suliarereerpaat. Naatsorsuutit kommunini nutaani marluusuni kommunalbestyrelsinit akuerineqartussaassapput.

SULIAP SAQQUMMIUNNERA:

Naatsorsuutit kukkunersuisut ataatsimiititaliaa kommunini suliassa qarfiit aqqissuuteqqinneqarnerata allanngortinneqarneranik Inatsisartut inatsisaat nr. 30 28 november 2016-meersoq naapertorlugu naatsorsuutit aningaasaqarnermut ataatsimiititaliamut kingusinnerpaamik 1.juni 2018-imi saqqummiunneqartuussapput. Naatsorsuutit ajorluartumik naammassineqarsinnaasimanngillat taamaattumillu pissutsit assigiinngitsut peqqutigalugit akuerineqarsinnaasimanatik. Naatsorsuutit massakut naammassipput aamma -8,34 mio. koruuninik inerneqarput, tassami imaappoq - 4,2 mio. koruuninik missingersuusionermermi inerneqassasut ilimasuttoqaralarpoq. Kommunimi nutaami Kommune Qeqertalimmi pilersitsiniaanermi unammillernartut eqqarsaatigalugit nikingassut angisooq peqquteqarpoq suliffeqarfiup avataaniit ikiorteqarnissaq pisariaqangaatsiarsimammat.

ANINGAASATIGUT KINGUNERISINNAASAI:

Naatsorsuutit inernerisa Qaasuitsup Kommuniata naatsorsuutaasa inerneris sunnerpaat.

INATSIT TUNNGAVIGINEQARTOQ:

Missingersuutinik malinnaaviginnittarneq aamma aningaasatigut aqutsineq, pigisatigut nalilitsigut akiitsutigullu ikaarsaariarnerneq, naatsorsuutinik saqqummiineq kiisalu Qaasuitsup Kommuniata avinneqarnerani saqitsaannernik aqqiissuteqartarneq pillugit Namminersorlutik Oqartussat nalunaarutaat nr. 6 31. maj 2017-imeersumi § 9-mi allassimasut takukkit, tassani kommunit nutaat marluk ataatsimoorlutik Qaasuitsup Kommuniata 2017-imut naatsorsuutai saqqummiuttussaassavaat. Aamma imm. 2 §-mi tassani takuuk, kommunini nutaani marluusuni tamani aningaasaqarnermut ataatsimiititaliamut naatsorsuutit saqqummiunneqartassapput. Taamatuttaaq kommunini suliassa qarfiit aqqissuuteqqinneqarnerata allanngortinneqarneranik Inatsisartut inatsisaat nr. 30 28 november 2016-meersoq § 16 imm. 2 naapertorlugu naatsorsuutit aningaasaqarnermut ataatsimiititaliamut kingusinnerpaamik 1.juni 2018-imi saqqummiunneqartuussapput. Kommune Qeqertaliup Naalakkersuisut naatsorsuutit saqqummiunneqarnerisa kinguaattoorutaaneri Nalaakkersuisunut aprilip qaammataani ilisimatitsissutigereerpaat.

INASSUTEQAAT:

- Atatsimiititaliaq INUA-ta Ikaarsaariarnermut Ataatsimiititaliap Kommune Qeqertaliup ukioq 2017-imut naatsorsuutai akuerissagai kiisalu kommunalbestyrelsimit akuerineqartussanngorlugit inassutigissagaat.

ILANNGUSSAT:

Ilanngussaq 43-1 Ikaarsaariarnermut Ataatsimiititaliap Kommune Qeqertaliup ukioq 2017-imut naatsorsuutai.

Ilanngussaq 43-2 Ikaarsaariarnermut Ataatsimiititaliap Avannaata Kommuniata ukioq 2017-imut naatsorsuutai.

AALAJANGIINEQ: Ataatsimiititaliaq INUA 23-10-2018

Inassuteqaat akuerineqarpoq.

AALAJANGIINEQ:

Inassuteqaat akuerineqarpoq.

Suliap normua	18-044	Ilanngussap nr.		Journal nr. :	
Eqqartugaq	Qaasuitsup Kommuniata 2017-imi ukiumoortumik nalunaarutip akuersissutigineqarnera				

EQIKKAANEQ:

Qaasuitsup Kommuniata ukiumi 2017-mi naatsorsuutai kiisami naammassipput aamma naatsorsuutit kontoinut nalunaarsukkat eqqortuunersut eqqortumillu suliarineqarsimanersut kukkunersuisut pisarialimmik nakkutigalugit suliarereerpaat. Naatsorsuutit kommunini nutaani marluusuni kommunalbestyrelsinit akuerineqartussaassapput.

SULIAP SAQQUMMIUNNERA:

Qaasuitsup Kommuniata naatsorsuutai upernaakkut 2018-imi akuerineqareertussaagalarput. Naatsorsuutit ajoraluartumik naammassisinnaasimanngillat taamaattumillu pissutsit assigiinngitsut peqqutigalugit akuerineqarsinnaasimanatik.

Naatsorsuutit massakkut naammassipput aamma inernissatut ilimagisarput naapertorlugu inerineqarput, tassami imaappoq 47,4 mio. koruuninik amigartoortoqarpoq, missingersuusionermermi 12,4 mio. koruuninik amigartoornissaq ilimagineqarsimagalarpoq.

Kukkunersuisut ukiumut naatsorsuutit nalunaarusiaralugit naammassipput, taanna ilanngunneqarpoq. Naatsorsuutit inerneru kukkunersuisut inerniliinerannit allannguuteqanngillat. Taamaattorli kukkunersuisut Kommune Qeqertalimmi tusaatissatut tigusassagut arlallit tikkuartorpaat.

ANINGAASATIGUT KINGUNERISINNAASAI:

Ukiumut nalunaarusiami aamma 2017-mut naatsorsuutini taakkua allanneqarput aamma kukkunersuisut ukiumut naatsorsuutitut nalunaarusiaanni allanneqarput.

INATSIT TUNNGAVIGINEQARTOQ:

Missingersuutinik malinnaaviginnittarneq aamma aningaasatigut aqutsineq, pigisatigut nalilitsigut akiitsutigullu ikaarsaariarneq, naatsorsuutinik saqqummiineq kiisalu Qaasuitsup Kommuniata avinneqarnerani saqitsaannernik aqqiissuteqartarneq pillugit Namminersorlutik Oqartussat nalunaarutaat nr. 6 31. maj 2017-imeersumi § 9-mi allassimasut takukkit, tassani kommunit nutaat marluk ataatsimoorlutik Qaasuitsup Kommuniata 2017-imut naatsorsuutai saqqummiuttussaas-savaat. Aamma imm. 2 §-mi tassani takuuk, kommunini nutaani marluusuni tamani aningaasaqarnermut ataatsimiititaliamut naatsorsuutit saqqummiunneqartassapput.

INASSUTEQAAT:

Ataatsimiititaliaq INUA-ta, Qaasuitsup Kommuniata ukioq 2017-imut ukiumoortumi nalunaarusiaa kiisalu kukkunersuisut 2017-imut ukiumoortumik nalunaarusiaat akuerissagaa aamma kommunalbestyrelsimit

AALAJANGIINEQ: Ataatsimiititaliaq INUA 23-10-2018

Inassuteqaat akuerineqarpoq.

AALAJANGIINEQ:

Inassuteqaat akuerineqarpoq.

Suliap normua	18-045	Ilangussap nr.		Journal nr. :	
Eqqartugaq	Kommune Qeqertalimmi 2019-mut missingersuutit siullermeerneqarnera				

EQIKKAANEQ:

Kommune Qeqertalimmi ukioq 2019-mut missingersuutit nunaqarfinni aqutsisut, innuttaasullu, kommunimilu sulisut tamakkerlugit peqataatillugit suliarineqarput aamma marloriarluni suliarineqartussaapput.

1. Missingersuutit siunnersuutip suliarineqarnera november 2018-mi pisussaavoq, INUA-ni ulloq 20 november 2018-mi aamma kommunalbestyrelsimi qaammatip taassuma ulluisa 29-anni.

SULIAP SAQQUMMIUNNERA:

Missingersuutit 2019-mut siullermeertussanngorlugit massakut nassiunneqarput. Ilangussat attuumassuteqartut tamarmik ilangussani takuneqarsinnaasut kingusinnerusukkut nassiunneqassapput.

ANINGAASATIGUT KINGUNERISINNAASAI:

Innuttaasut, kommunalbestyrelsimi ilaasortat, nunaqarfinni aqutsisut suleqataasullu peqataatinneqarnerujussuat illuatungeriinnit tamanit aningaasaqarnerup siunissami aqunneqarneranik oqinnerulersitsissasoq ilimasuttoqarpoq. Taamatutaaq qaammammut nalunaarusiat kiisalu ukiumoortumik nalunaarusiat suliarineqartarneri oqinnerulissagatinneqarput.

Missingersuutit ima suliarineqarput: illoqarfiit ataasiakkaat tamarmik immikkut missingersuutinin ilangussassaminnik suliaqartinneqarput. Taakkua ilangussatut missingersuutinin ilanguneqarput, paarlattuanillu missingersuutit suliaqarfinnut ukununga IT, upalungaarsimaneq, sanaartorneq aamma INUA qullersaqarfimmit INUA-nit suliarineqarput. Suleriuseq una aqutugalugu sulisut tamarmik peqataatinneqarnissaat kissaatigisimavarput aamma tassuunaqqulluta suliaqarfinnut ataasiakkaanut aalajangiisinnataaneq nuukkusupparput, tamatumani aamma kommunalbestyrelsip kissaataa aalajangigaa malinniarpavut.

Taamaattumik "missingersuutit pingaarnersaat" qulaani oqaatigineqareersutut kikkut tamarmik peqataasut katersuuffigaat aamma ilangussat tassaapput illoqarfiit ataasiakkaat missingersuusiaat. Ingerlatsinermut ilitersuut naapertorlugu kommunalbestyrelsip kisitsisit marlunnik kisitsisitallit akuerisartussaavai.

INATSIT TUNNGAVIGINEQARTOQ:

Kommunit Namminersorlutillu Oqartussat missingersuutaat naatsorsuutaallu pillugit Inatsisartut inatsisaat nr. 26 28. November 2016-meersumi § 20-mi allassimasut naapertorlugit aningaasaqarnermut ataatsimiititaliaq kommunip missingersuutaannik ukiunut aningaasaqarfiusunut kommunalbestyrelsimut siunnersuusiussaaq. Inatsimmi tassani §21 takuuk: ukiumut missingersuutit ukiunullu arlalinnut missingersuutit siunnersuutit kommunalbestyrelsimi minnerpaamik sapaatip akunnerisa marluk akornanni marloriarlugit suliarineqartassapput.

INASSUTEQAAT:

Missingersuutit siunnersuut siulleg kommunalbestyrelsimi siullermeerluni suliarineqartussatut nassiunneqassasoq inassutaavoq.

ILANNGUSSAT:

Ilangussaq 45-01	Qasigiannugit
Ilangussaq 45-02	Qeqertarsuaq - Kangerluk
Ilangussaq 45-03	Aasiaat – Ikamiut, Akunnaaq, Kitsissuarsuit
Ilangussaq 45-04	Kangaatsiaq, Niaqornaarsuk, Ikerasaarsuk, Iginniarfik, Attu
Ilangussaq 45-05	Kommune Qeqertalik - tamakkiisoq

AALAJANGIINEQ: Ataatsimiititaliaq INUA 23-10-2018

Inassuteqaat akuerineqarpoq

AALAJANGIINEQ:

Inassuteqaat akuerineqarpoq.

Suliap normua	18-046	Ilanngussap nr.		Journal nr. :	
Eqqartugaq	Najukkami Ataatsimiititaliami ilaasortat				

NAALISAANEQ:

Najukkami ataatsimiititaliaq pilersinniarlugu, kommunalbestyrelse aalajangernikuuvoq, ulloq 28 september 2018, ataatsimiinnermini

Illoqarfinni sisamani qinersinissaq ingernalInneqassasoq aalajangiunneqarluni, 23. Oktober 2018 illoqarfinni sisamani.

SULIAP SULIARINEQARNERA:

Malittarisassat akuerisat malillugit, Kommunalbestyrelsi pisussaavoq, ilaasortanngortussat akuerisussaallugit., tamannalu peqqutigalugu, ilaasortanngortussat akuerineqartussanngorlugit innersuunneqarput, aalajangiivineqassallutik akuerineqarnersut 31 Oktober 2018

Maleruagassat, najugaqarfimmi ataatsimiititaliami atuuttussanngorlugit akuerisat malillugit suliaq ingerlanneqarpoq.

Akuerineqartussatullu innersuunneqartut, illoqarfiit ataasiakkaarlugit ilanngussami allaqqapput, kikkut ulloq 23. oktober 2018 qinerneqarsimanersut najukkami ataatsimiititaliami ilaasortassatut.

Aasiaat ilaasortanngortut 5-it sinniisussallu

Qeqertarsuaq ilaasortanngortut 5-it sinniisussallu

Qasigiannugit ilaasortanngortut 5-it

Kangaatsiaq ilaasortanngortut 5-it sinniisussallu

INASSUTEQAAT:

Innersuussutigineqassaaq Ulloq 23. oktober 2018 illoqarfinni sisamani qinersinermi, najukkami ataatsimiititaliamut ilaasortanngortussat sinniisussaallu akuereqqullugit. Takuuk ilanngussaq

ILANNGUSSAT:

Ilanngussaq 46-01 Illoqarfiit, Aasiaat, Qeqertarsuaq, Qasigiannugit, Kangaatsiaq –miik ilaasortassatut qinigaasut sinniisussallu

AALAJANGERNEQ:

Inassuteqaat akuerineqarpoq.

Suliap nr.	18-047	Ilanng. nr.		Journal nr.	
Oqaluuserissaq	Imigassallernissamik qinnuteqaat Type B				

EQIKKAANEQ:

Cafe-tarniat Cafe Aasiaat I/S, Aqqusinersuaq 9, bnr. 165, 3950 Aasiaat v/ Bolethe Hendriksen & Morten Kørchen Hansen ulloq 17. Oktober 2018 Sullissivik Aasiannut saaffiginnipput imigassamik nioqquteqarsinnaanermut Akuersissut type B (imigassallersinnaaneq 16 % tikillugu tungaanut) qinnuteqaatigalugu.

Qinnuteqaammik nutaamik cafe-mik Aasianni pilersitsinissamik qinnuteqaataavoq, aammalu siullermeerlutik qinnuteqarlutik.

SULIAP SULERINEQARNERA:

Piginnittut imigassallernissamik politikiliortinneqarput, akuersissullu kommunalbestyrelsemit akuerineqariarpat piginnittut sulisussallu Naalakkersuisunut certifikatinik piniartussaallutik, taamaalillutik inatsik malillugu sassaallersinnaalissallutik.

Inatsik nutaaq malillugu Kalaallit Nunaata Politiivi, Aasianni Inunnik Isumaginnittoqarfik pinaveersaartitsisorlu oqaaseqaammik piniarfigineqarput, oqaaseqaataallu ilanngullugit suliassamut ingerlateqqinneqarlutik.

ANINGAASATIGUT KINGUNISSAI:

Soqanngilaq.

INATSISITIGUT TUNNGAVIUSOQ:

Inatsisartut inatsisaat nr. 35 23. November 2017-meersoq § 3 imm. 2 , nal. § 5.

INASSUTEQAAT:

Oqaaseqaataat malillugit Sullissivik Aasianniit inassutigaarput kommunalbestyrelsep qinnuteqaat akuersissutigissagaat, inatsit malillugu piumasaqaatit tamarmik naammassineqarmata aammalu illoqarfimmi nutaamik ammaasoqarnissaa suliffissanillu pilersitsinissaa siunertaammat.

ILANNGUSSAT:

Ilanngussaq 47-01 Piginnittup imigassaq pillugu politikilia
Ilanngussaq 47-02 Oqaaseqaatit Kalaallit Nunaata Politiiviniit
Ilanngussaq 47-03 Aasianni Inunnik Isumaginngittoqarfimmiit pinaveersaartitsisumiillu
Ilanngussaq 47-04 Skema B Ansøgning
Ilanngussaq 47-05 Akileraaruseriffiup nalunaarutaa

AALAJANGERNEQ:

Inassuteqaat akuerineqarpoq.

ILISIMATITISSUTIT**Ilisimatitsissutit**

Suliap nr.	Ilisimatitsissut	1	
Oqaluuserisaq	Ataatsimiititaliaq INUIT ilisimatitsissutaa		

Ilisimatitsissut:

Allattoqarfimmiit ilisimatitsissutigineqarpoq, Qeqertalimmi Inunnik Isumaginnittoqarfiit sulianik torersaasinerat aammalu aqqissuusinerat naammasiartulertoq, Aasiaat una sapaatip akunnera orninneqassooq. Aqqissuusinermi, torersaanermillu Qeqertarsuaq Qasigianguillu suliaqarfinnut (myndighed) tamanut angumeqqupput, taammaatorli Kangaatsiami Inunnik Isumaginnittoqarfik aqqissuusassaangaatsiarmat, Kommune Qeqertalimmiit kisimi kivinngeqarsinnaanera qularnarmat Socialstyrelse-imut ikiortissarsiorpugut, tassanniit ikiortissatinnik tunineqarluta. Kommune Qeqertalimmi sulisuniit Kangaatsiamukalerpat ilagineqassooq. Socialstyrelse-imiit suliaartortussaq Socialstyrelse-imiit tamakkiisumik aningaasartuutigineqassooq.

Inunnik Isumaginnittoqarfimmi aqqissuusinermi aammalu Deloitte-ip nalunaarusiaa tunngavigalugu ersarissimmat, sullissinitsinni suut nukittorsagassaanersut, Socialstyrelse-i peqatigalugu Inunnik Isumaginnittoqarfimmi sulisut pikkorissartinneqassarnissaat pilersaarusiortlugu aallartinneqarpoq, taannalu piffissami qaninnerpaammik ingerlanneqarnissaa naatsorsuutigineqarpoq. Pikkorissartitsineq Socialstyrelse-imiit taakkiisumik aningaasalersorneqassooq.

Allattoqarfimmi Inunnik Isumaginninnermut ingerlatinermi ukiup naanissata tungaannuugallartoq suleqataasussamik tikittoqassooq, taannalu tikikkumaarpoq piffimmi qaninnerpaammi. Allattoqarfimmi suleqataasussaq Socialstyrelse-imiit tamakkiisumik aningaasalersorneqassooq.

Suliap nr.	Ilisimatitsissut	2	
Oqaluuserisaq	Naatsorsuutit/missingersuutit September-ip naaneranut 2018		

Oqaaseqaatit:

Naatsorsuutit / missingersuutit 30. September 2018 ilanngunneqarput.
Oqaaseqaatit konto-nut ataasiakkaanut ilanngunneqarput.

Ilanngussat.:

Ilanngussaq 2-1 Naatsorsuutit 30. September 2018, ukiumullu tamakkerlugit misigersuutit sanilliullugit September Ilanngullugu.

ATAATSIMIINNEQ NAAVOQ: 12:11**ATSIORFISSAQ:**

Hansen, Ane

Olsen, Peter

Sørensen, Hector Lennert

Samuelsen, Aqqa

Aronsen, Hans

Petersen, Thomas

Kristensen, Niels

Svane, Jess

Sandgreen, Enok

Mølgaard, Timooq

Jeremiassen, Otto

Jeremiassen, Kristian

Vetterlain, Jens

Broberg, Kristian

Kristensen, Naja
